

聖諭像解

解
子
解
子
解

聖諭像解卷之十八目錄

聖諭第十四條

完錢糧以省催科

賦稅嘗先

不出符移

輸租繼屬

勸辦官租

弟負官錢

活囚種福

畀穀得金

報產狀元

力行十事

畫扇償逋

代償官錢

釋放窮民

聖諭像解卷之十八

江南太平府繁昌縣知縣加一級臣梁延年編輯

上諭第十四條

完錢糧以省催科

此一條是

皇上欲汝等百姓急惟正之供盡輸將之義斯追呼無擾敲扑不施士農工商各安其業誠盛世之淳民編戶之樂事也蓋有田則有稅有丁則有差以及各項

不在丁田應納之款。俱宜凜增限期。照數全完。上資國計。下濟軍需。俾公私有賴。所謂庶人之忠者此也。乃有一種奸刁頑戶。故爲延抗。囊有餘財。半蕩於不急之費。倉有餘粟。多罄於無益之爲。追星催嚴比。計無所出。則左支右吾。或買無藉代杖。或賄積役巧回。遮掩抵飾。詐幻叢生。一旦水落石出。則百喙難推。干手莫蔽。此時公庭血比。虧父母遺體。玷祖宗聲名。而應完之稅。終難短少。其他衙門雜用。求徃盤纏。又不。可缺。雖欲不棄田產。鬻妻孥。以求脫圍屏。免箠楚。何可得也。爲汝等百姓計。年歲豐收。卽當以完糧爲第

一義遵照額設。盡行辦納。公事既畢。則高枕無憂。含
哺而嬉。鼓腹而遊。樂可言耶。卽不幸而年歲荒歉。亦
當力加節儉。省口所食。減體所衣。以勉完正供。語曰。
秋毫以上。皆帝力也。身爲編氓。踐其土而食其毛。孰
非

聖天子覆載生全之德。而猶不踴躍急公。清夜自思。有
不面赤汗下也哉。詩曰。雨我公田。遂及我私。孟子曰。
公事畢。然後敢治私事。三代之民。何其忠良而樂易
也。汝等其思之。

聖訓
卷之二

賦稅嘗先



唐李封爲延陵令。吏人有罪。不加杖罰。但令裹碧頭巾。以辱之。隨所犯輕重。以日數爲等級。日滿乃釋。着此服出入者。以爲大耻。皆相勸勵。無敢犯。賦稅嘗先諸縣。竟去官。不捶一人。

此一幅像。是寫李封不用刑杖。而賦稅獨先諸縣報完也。唐李封爲延陵令。吏胥民人有罪。一槩不加杖罰。惟使裹碧頭巾以辱之。隨所犯罪輕重。以日數多寡爲等級。日滿踈釋。着此巾服出入者。人以爲大耻。皆相勸勉。激勵。無敢犯。賦稅之完。嘗先諸縣。終去官。不捶一人。按今之催科者。嚴刑峻比。血肉狼籍。而逋

欠如故。何古人德化之而有餘。今人刑齊之而不足也。然則賦稅之完欠。其責蓋不獨在細民矣。



不出符移



寇準知歸州巴東縣。每期會賦役。不出符移。唯具鄉里姓名揭縣門。民莫敢後者。

此一幅像。是寫寇萊公官民相信。不待召而自集也。萊公知歸州巴東縣。每有期會賦役。並不出符移。惟書鄉里姓名。揭於縣門。民無敢後者。按官民一體。如痛癢在身。撫摩搔抑。手不呼而自至者。相動以天也。一有不完之稅。不辦之事哉。吾於萊公有感矣。

輸租總屬



兒寬。舉侍御史。見上語經學。上說之。從問尚書一篇。擢爲中大夫。遷左內史。寬旣治民。勸農業。緩刑罰。理獄訟。卑體下士。務在於得人。擇用仁厚士。推情與下。不求名聲。吏民大信愛之。寬表奏開六輔渠。定水令以廣溉田。收租稅時。裁濶狹。與民相假貸。以故租多不入。後有軍發。左內史以負租課殿。當免。民聞當免。皆恐失之。大家牛車。小家擔負。輸租繼屬。不絕課。更以最。上由此愈奇寬。

此一幅像。是寫民感兒寬假貸之仁。逋租不督而集也。兒寬舉侍御史時。見漢武帝講經學。上說之。因從

問尚書一篇。乃擢爲中大夫。遷左內史。寬旣治民。於是廣勸農業。輕緩刑罰。平理獄訟。卑體下士。專務得人心。又擇用仁厚士。推情以與下人。不敢違道干譽。吏民大信愛之。寬又表奏開六輔渠。遂定水令。以溉田畝。時裁酌多寡。與民假借稱貸。故欠租者甚多。後值軍發需糧。左內史以負租得下考。例當免官。百姓聞寬當免。皆恐失之。大家車載。小家擔負。繹絡衣絕。後核課。仍得上考。武帝由此愈竒寬。按官者。所以調劑平民。使豐歉各得其所。無窘乏之憂也。兒寬聽民假貸。租多不入。一聞當免。雲集響應。頃刻告完。課更

以最信乎我以誠往。彼卽以誠來。官之考成無悞。國之供億不虧。孰謂兒寬推情恤下。非催科良法也。